

Platt partu:

Rundbreef 2022-8

Inladen to'n Camping

"Kaam mit mi na Plön, mien Schatz!
Dicht an'n See, is schön, mien Platz!
Kannst an't Över sitten, 'n Hupen
les slabbern bi de Hitten, supen...
Un fischt wi dor in't Röhricht Hecht,
braadt wi em avends!" "Hör ich recht?!
Ich soll da leben wie ein Deichschaf?
Karg wie Familie Feuerstein?
Nein! Mir gebührt, was auch ein Scheich darf!
Ich setz mich hinters Steuer fein
und sage Tschüß zum Küstenwind!
Vielleicht bin ich ein Wüstenkind..."

Moinmoin, leve plattdüütsche Maten un Frünnen!

Oha, dat warrt hoge Tied, dat ik den Rundbreef afschick! Heff al Anfragen kregen, woneem he blifft. Un ik dach, all weern in Ferien -- Campen an'n Plöner See, mit Goethe angeln, mit annerlü in'n Stau stahn un so wieder ;-)

Ja, de Sommer hett uns faat, un weer nich de Dröögde, weer dat gor nich so slecht... In uns Natuurnotizbook riept de roden Hasselnööt, avers toglied smiet de Bööm al eerste Bläder af, un dat is nich in de Reeg. Man de Urlaubers freit dat Weder, se sett mit de Fähr över, maakt Utflöög to Peerd orr glieds Klassenreisen. Ja, düt is ok de Tied vun Wannendaag un Klassenfohrten, un uns Mitmakersch Meike Balzer-Fraun hett kurioose un schöne Beleevnisse ut ehrn Erinnerungsschatz as Liehrersch to en lütte Reeg för uns tosamenstellt. De eerste Folg is in'n Juli rutkamen, wi freit uns op mehr.

Man eentlich is de Juli bi uns de Maand vun de Hunnengeschichten west, un dat kümmt dör en niege Mitmakersch, över de wi uns dull freit: Christiane Boos hett uns vun de Hunnen in ehr Leven vertellt un woans een Hund to'n annern föhrt hett, meist as weern se all dör en Töver verbunnen. Dor hett glieds Klaus-Dieter Tüxen, de al fröher vun sien Miss Ellie vertellt harr, mit de Geschicht vun Dackel Juli naleggt. Dat hett Addi Kahl keen Roh laten, he schreev för uns op, woans he dör sien Teckel Topsis meist to'n Alpinisten woor. Un op Lager heff ik al de neegste Hunnengeschicht för den August. Na, dat hett sik ja lohnt! :-)

Man wi sünd nich rein in Ferienstimmung. Dat "Sommerlock" is ja sowiso Geschichte, is to veel los in de Welt. Op uns Welt-Flack kommentiert Behrend Böckmann meist in'n Minutentakt Inflatschoon, Energiekries, Konsumsellschap un den politisch korrekten Ümnööm-Wahn; un ok sien lütte Geschicht vun'n Vodka gründt in de Aktualität. Meike Balzer-Fraun schüddköppt över de Klischeevörstelln vun Touristen, un heel un deel nix hollen do ik vun de Lindner-Hochtied op Sylt. --

Avers ok de Football höllt uns düssen Maand in Aten(losigkeit), denn ofschoonst uns Deerns dat nich ganz na baven schafft hebt, hett dat rasante Turnier mennig Erinnern weckt -- doran, woans Kinner de footballfiendliche Naversch betuppst hebt orr wo dat weer, as Düütschland to'n eersten Maal Weltmeester woor. -- Op de anner Siet liggt uns Ogenmerk bi de Natuur ganz op de eersten detailrieken un brillanten Biller vun James Webb un sien Drakenoog, dat ok keen Hitten afkann, wat plietsche Methoden nödig maakt. De fantastischen Biller sünd dat weert.

Un wokeen vun de Steerns & Co. nich noog kriegen kann (so as Ludgerd Lüske un ik), de kiekt in düsse Augustdaag in'n Himmel na de Perseiden. Twüschen 12. un 13. August is de beste Nacht. Kiekt Se man un wünscht uns denn noch en schönen Sommer mit en gode Aarn un ok mehr Regen! Ik do dat. Bliedt Se fein sund un kregel -- wi leest uns wedder in'n September!

Nu uns Linklist. Op de Links bruukt Se bloots klicken, dat Se henkaamt.

Plattdüütsch Kunst:

Dei Angler. Goethe, överdragen vun Behrend Böckmann (13.7.)

Notizen ut'n Christmaand. Fotos un Verse vun Marlou Lessing (6.7.)

Oostfreesland-Klenner: De Inselfähre. Vun Thomas Seemann un Marlou Lessing (4.7.)

De Welt un Gott:

Seemannsgarn: Uns Utfloog to Peerd. Vun Günter Sohnemann (27.7.)

Uns Teckeldaam in'n Karwendelwahn. Vertelln vun Addi Kahl (27.7.)

Ganz nie: Vodka Zelensky! Vun Behrend Böckmann (24.7.)

Mit Kinner un Junglüüd op Tuur. Deel 1: Föfste un sösste Klass. Vun Meike Balzer-Fraun (23.7.)

De füünsch' Naversch. Vertelln vun Klaus-Dieter Tüxen (23.7.)

Juli. Vertelln vun Klaus-Dieter Tüxen (18.7.)

Automatik. Vun Fidi Ehlbeck (16.7.)

Keen Disneyland. Kommentaar vun Marlou Lessing (10.7.)

"Ik bün Toni Turek!" Vertelln vun Klaus-Dieter Tüxen (10.7.)

Mien Hunnenleven. Vun Christiane Boos (6.7.)

Natuur un Wetenschap:

Draakenooge: Cool blieben! Van Ludgerd Lüske (18.7.)

Dei Speegel van Draakenooge mutt alltied kold wän. Van Ludgerd Lüske (14.7.)

Kringnäwel M57 -- Mit Draakenooge nauer seihn. Van Ludgerd Lüske (14.7.)

Draakenooge: Bildvergliek mit dat Spitzer-Teleskop. Van Ludgerd Lüske (12.7.)

Draakenooge: Dei beste Brennpunkt. Van Ludgerd Lüske (10.7.)

In't aktuelle Naturnotizbook:

Pelzdeert. Vun Thomas Seemann (23.7.)

Bullenhitt un Sünnenschien. Vun Behrend Böckmann (20.7.)

Rode Hasselnööt. Vun Marlou Lessing (13.7.)

Wat in de Welt vorgeiht:

Niege Namen möten her! Vun Behrend Böckmann (29.7.)

Wo sünd wi henkamen? Vun Behrend Böckmann (24.7.)

'n kollen Noors kriegen. Vun Behrend Böckmann (16.7.)

Inflatschon. Vun Behrend Böckmann (12.7.)

Vöroordelen. Vun Meike Balzer-Fraun (10.7.)

In Marlou Lessings plattdüütsch Notizbook:

Wi mööt nix mehr bewiesen! (31.7.)

För Kinner:

Modder Sünn ehr Kinner: De Wiespähl hett öft Besöök. Märken vun Sophie Reinheimer,
överdragen vun Klaus-Dieter Tüxen (23.7.)

Hartlich gröt

Marlou Lessing un dat lütte Plattpartu-Team